

Headline	Lebih 90 sertai Seminar Bicara Herba		
MediaTitle	Harian Ekspres (KK)		
Date	20 Dec 2022	Color	Black/white
Section	Tempatan	Circulation	25,055
Page No	3	Readership	75,165
Language	Malay	ArticleSize	112 cm ²
Journalist	Jinius Pandakiri	AdValue	RM 238
Frequency	Daily (EM)	PR Value	RM 714



Lebih 90 sertai Seminar Bicara Herba

Jinius Pandakin

KOTA KINABALU: Lebih 90 menyertai program Seminar Bicara Herba 2022 anjuran Institut Penyelidikan Perhutanan Malaysia (FRIM) yang diadakan pada Sabtu lalu.

Program buat julung kali itu diadakan dengan kerjasama Persatuan Penanam Herba Dan Pengamal Perubatan Tradisional & Komplimentari Borneo Utara, Sabah.

Program tersebut dirasmikan oleh Ketua Pengarah FRIM Dr Ismail Parlan, dan diadakan di Dewan Utama Institut Perguruan Kampus Gaya, di sini.

Antara topik yang dibincangkan termasuk melengkapkan rantaian nilai Industri di Sabah, pembangunan produk herba berkualiti, halatuju industri herba di Sabah, kepentingan melindungi pengetahuan tradisi dan harta intelek serta akta perubatan tradisional dan komplimentari.

Turut diadakan ialah pameran dan jualan produk herba berkualiti.

Hadir sama dalam seminar tersebut ialah Presiden Persatuan Penanam Herba dan Pengamal Perubatan Tradisional & Komplimentari Borneo Utara, Sabah, Norhanida Annol.

Sementara itu, Norhanida berkata beliau yakin perkongsian itu dapat membantu memperkenalkan produk berasaskan herba yang berkualiti untuk dipasarkan.

"FRIM datang bersama untuk berkongsi garis panduan dan ilmu serta pengalaman untuk memperkembangkan penyertaan orang tempatan, khasnya di Sabah ini," katanya.